



欽定協紀辨方書卷六

義例四

三合

臨日

驛馬 天后

劫煞

災煞 天火

月煞 月虛

月刑

欽定協紀辨方書

卷六

義例四目錄

月害

大時 大敗

咸池

遊禍

天吏 致死


六合 無翹

兵吉

五富

天倉

天賊



要安

玉宇

金堂

敬安

普護

福生

聖心

益後

續世

血忌

欽定協紀辨方書

卷六

義例四目錄

九神總論

陽德

陰德

天馬

兵禁

地囊

土符

大煞

歸忌



往亡

氣往亡

上朔

反支

四離 四絕


月忌日

欽定協紀辨方書

卷六

義例四目錄

三




會門經曰三合者異位而同氣也寅午戌火之三合巳酉丑金之三合申子辰水之三合亥卯未木之三合其日宜結會親姻和合交易修營起土立木上梁

○歷例曰正月在午戌二月在未亥三月在子申四月在丑酉五月在寅戌六月在卯亥七月在子辰八月在丑巳九月在寅午十月在卯未十一月在辰申十二月在丑巳○考原曰三合者各與其月建會成三合局也

按子午為衝子未為害衝重於害也寅卯為類寅午

戊爲合合必輕於類矣而不然者何也天之圓積氣
 也地之方積形也人者圓首方趾上圓下方而爲三
 角實天地之心是故方圓之數必以三角爲用以明
 天爲大圓地爲大方必由人之三角而神以著然則
 辰之三合固天地之道所由及於人之端歟三方既
 立五行以之終以之始四序以之生以之成一生二
 二生三三生萬物理之自然至粗而至精至近而至
 遠至微而至鉅至庸而至神其唯三合之義歟

臨日



樞要歷曰臨日者上臨下之義也其日忌臨民訴訟
○歷例曰臨日者正月午二月亥三月申四月丑五
月戌六月卯七月子八月巳九月寅十月未十一月
辰十二月酉○曹震圭曰臨者上臨於下也是陽建
之使臣奉上命以授百官者也建陽之月在三合前
辰是臨於文官官符也建陰之月在三合後辰是臨
於武職白虎也

按三合前辰爲定日三合後辰爲成日定成三合固
吉陽順而前陰逆而後是爲陰陽得位其義尤吉卽

欽定協紀辨方書

卷六


義例四臨日

六

配年方而論定日爲官符建前第四辰也成日爲白
虎建後第四辰也官符爲文白虎爲武陰後而陽前
左文而右武也陽月前左取官符陰月後右取白虎
別名之爲臨日蓋陰陽不得其位則官符白虎皆爲
害於人陰陽各得其位則官符白虎皆爲人除害者
也是宜爲臨民受訟之吉占乃樞要歷以爲忌者蓋
誤也

驛馬

天后



欽定協紀辨方書

卷六

義例四驛馬

七

神樞經曰驛馬者驛騎也其日宜封贈官爵詔命公卿遠行赴任移徙遷居○李鼎祚曰驛馬者正月起申逆行四孟○總要歷曰天后者月中福神也其日宜求醫療病祈福禮神○歷例曰天后與驛馬同位○儲泳祛疑說曰今世之所謂驛馬者先天三合數也先天寅七午九而戌五合數二十有一故自子順至申凡二十有一而為火局之驛馬亥卯未之數四六八合為十八故自子順至巳凡十八而為木局之驛馬木火陽局也從子一陽順行金水陰局也從午

一陰順行故申子辰之數七九五合二十有一自午順至寅凡二十有一而爲水局之驛馬巳酉丑之數四六八合爲十八自午順至亥凡十有八而爲金局之驛馬此驛馬之法所由起也○曹震圭曰驛馬者五行將病得見妻子似人值困途逢妻子者也假令寅午戌火也病於申中有庚爲妻戊爲子故以申爲馬申子辰水也病於寅中有丙爲妻甲爲子亥卯未木也病於巳中有戊爲妻丙爲子巳酉丑金也病於亥中有申爲妻壬爲子也洞源經曰旣病見子驛馬


到來又曰天后者驛馬也五行受病得見妻子反有救助天后主生育萬物爲萬物之母故以名之

按寅爲功曹申爲傳送亥爲天門巳爲地戶皆道路之象也三合在寅午戌則對寅之申有驛馬之象焉三合在巳酉丑則對巳之亥有驛馬之象焉又驛馬者不安其居之謂也數窮則變寅午戌之數盡而恰遇夫申則火將變而之乎水矣火生於木木絕於申而申又生水以生水是火以變而不窮也已酉丑之數盡而恰遇夫亥則金將變而之乎木矣金生於火

土火土絕於亥而亥又生木以生火是金以變而不窮也申子辰亥卯未倣此易稱乘馬班如用拯馬壯皆以舍舊圖新改過遷善爲義故驛馬又曰天后亦絕處逢生之意也若洞源經所謂旣病見子驛馬到來者則以申爲火病已爲木病以見驛馬卽是三合病鄉聊以識之耳猶三煞爲太歲三合絕胎養之類恰遇其方卽用以爲記而非於病絕胎養有所取義也於此穿鑿附會則失之遠矣曹震圭以三煞爲絕胎養則絕胎養皆屬幽陰之地猶若可通至以驛馬

爲五行將病得見妻子則妄謬已甚矣又按驛馬有從年支取者有從日支取者其義例皆與月同故不重列

劫煞



欽定協紀辨方書

卷六

義例四劫煞

十


神樞經曰劫煞者劫害之辰也其日忌臨官視事納
 禮成親戰伐行軍出入興販○李鼎祚曰正月起亥
 逆行四孟

按月劫煞義與歲劫煞同

災煞

天獄

天火



按月災煞義與歲災煞同又按神煞起例亦有伏兵大禍五兵神煞與歲同例而歷家不特無伏兵大禍二神并無災煞其為闕遺固不待言但月主一月之事不必一一與歲同例其伏兵大禍可以弗論至於三煞斷難闕一自當依起例補足又按天獄正月起子順行四仲曹震圭以為天獄即是災煞應逆行四仲而今順行者流傳之悞也其說是今從之

天獄 天火

神樞經曰天獄者月中禁神也其日忌獻封章與詞

訟赴任征討

玉帳經曰天火者月中凶神也其日忌苦蓋築壘垣牆振旅興師會親娶婦○歷例曰天火者正月在子順行四仲

按天獄與天火向爲正月起子順行四仲曹震圭以爲天獄卽是月災煞以逆行四仲爲是而天火仍順行四仲其說曰寅午戌月在子蓋子中藏陽氣之火其勢最弱待寅午戌月火勢興旺以顯其光故子中有霹靂火也是水中之火見之於天也亥卯未月在

欽定協紀辨方書

卷六

義例四象篇

三


卯蓋卯中有伏燄之火也火氣旣生於寅至卯而木旺反蔽其燄而成炭又待亥卯未月木再生之故卯內有鑪中火也申子辰月在午蓋午中有正旺之火其勢最大物莫敢侵其光反闇待申子辰月水勢將興反制其光上下俱明故午中有天上火也巳酉丑月在酉謂酉中有長生丁火如硫黃煤炭之類故待巳酉丑月金石之氣而再發旺也故酉中有山下之火也且子中之陽火卯中之木火午中之旺火酉中長生丁火莫非天道自然故以名之觀曹震圭之論

亦爲近似但古人立義命名純一不二使其宛轉推移兼收並舉納甲不得入於納音河洛不得入於壬遁則無往而不可立說矣寅午戌火既取子水申子辰水既取午火則亥卯未木必不取卯木而取酉金巳酉丑金必不取酉金而取卯木可斷也子水何以有火曰子中之火乃真火於人身驗之命門爲真火於海驗之無月之夜一海皆火蓋坎中一畫是爲純陽故寅午戌之火局根於子也出乎震則爲龍爲雷而人乃見水中之火焉不知其不見者乃子水之天火也知乎此則申子辰水之以午爲天火一而非二取左手以例右手可矣若夫木中有火鑽燧得之石爲金母擊火出之金中有火摩軋亦生人所見也其不見者則爲木之天火云木老則腐而火發焉卽鑽木出火亦木敗而出火以自焚也木敗於金然則金者木之天火也金老則生水矣若夫金之火金之少也石者未成之金也少於金則火居焉土者又未成之石也又少於石則火更散布漫衍於其中而草木生之又爲火之母焉然則木者金之天火無疑矣水

火之中冬夏至也短長各極而天火轉爲一體金木之中春秋分也短長齊等而天火轉居兩端此以見天地之道其相反者實一而神也其相似者實兩而化也是故天火亦應逆行四仲又天獄卽災煞今用災煞天獄應刪

月煞

月虛



廣聖歷日月煞者月內之殺神也其日忌停賓客典
穿掘營種植納羣畜○歷例日月煞者正月起丑逆
行四季


樞要歷日月虛者月內虛耗之神也其日忌開倉庫
出財物結婚出行○歷例日月虛者正月起丑逆行
四季

按在歲爲歲煞在月爲月煞無二義也圖說已見歲
神唯又謂月虛者蓋亦以月建三合旺氣之對則必
虛耗猶破日之又名大耗也

欽定協紀辨方書

卷六 義例四 月煞

月刑



五


按月刑之義與歲刑同詳見歲刑條下

欽定協紀辨方書

卷六

義例四月刑

月害



六

神樞經曰月害者陽建所害之辰也所值之日忌攻城野戰牧養羣畜結會親姻請醫巫納奴婢○歷例曰正月起巳逆行十二辰○曹震圭曰月害者月中六害也假令卯辰相害者卯以乙旺之木害辰墓之土辰以墓土却害卯中癸水也寅巳相害者謂寅以旺甲害巳中戊土而巳以生庚害寅中旺甲也丑午相害者丑以癸水害午中丁火午以己土害丑中癸水也子未相害者子以所生之辛金害未中墓木未以旺土害子中旺水也申亥相害者亥以生木害申中生土申以旺金害亥中生木又以生土害亥中旺水也酉戌相害者戌以墓火害酉之旺金酉以所生丁火害戌中辛金也


考原曰六害者不和也凡事莫不喜合而忌衝正月建寅與亥合而巳衝之故寅與巳害二月建卯與戌合而辰衝之故卯與辰害蓋月建者衆神之首衝其所合是以害也

按六害之義考原得之震圭非也年日六害皆同月害取義故不重列

大時

大敗

咸池



淮南子曰斗柄為小歲月從左行十二辰咸池為大歲正月建卯月從右行四仲終而復始大歲迎者辱背者強左者衰右者昌小歲東南則生西北則殺不可迎也而可背也不可左也而可右也大時者咸池也小時者月建也○神樞經曰大時者將軍之象也所值之日忌出軍攻戰築室會親○李鼎祚曰大時者正月起卯逆行四仲○曹震圭曰大時者乃月建三合五行沐浴之辰也蓋五行至此則敗絕是寗凶之辰也故曰大凶之時


按咸池大時神樞經有忌無宜曹震圭以為大凶之時今考淮南本義則其義與歲神大將軍相似

欽定協紀辨方書

卷六

義例四大時

遊禍




九

樞要歷曰天吏者月中凶神也其日忌臨官赴任遠
行詞訟○歷例曰天吏者正月起酉逆行四仲○曹
震圭曰天吏者三合五行死氣之位五行至此死而
無氣乃天之凶吏全無生意也其忌可知

按天吏者三合之死氣也故又爲致死司馬遷曰削
木爲吏義不對漢酷吏尹賞且死戒子曰丈夫爲吏
正坐殘賊免追思其功效則復進用矣一坐軟弱不
勝任免終身廢棄無有赦特蓋吏之心誠利人之死
也爲此名者其爲三代以下無疑矣如果天吏則必
曰求其生而不得則死者與吾兩無憾也奈何以致
死辱天吏哉

六合

無翹




神樞經曰六合者日月合宿之辰也其日宜會賓客
 結婚姻立契券合交易○李鼎祚曰正月在亥逆行
 十二辰○考原曰六合者月建與月將相合也○天
 寶歷曰無翹者翹猶尾也陽烏所主陰則無之常居
 厖後故曰無翹其日忌嫁娶○曹震圭曰翹猶首翹
 婦人之飾也無翹者是無其飾也故忌嫁娶

按六合月將太陽過宮並見本原及公規卷內惟是
 日又名無翹天寶歷以為烏尾曹震圭以為首飾其
 義亦不足取矣蓋堪輿家最忌月厖故以厖前一辰


爲章光厭後一辰爲無翹其日皆忌嫁娶猶歲神之
 以歲前爲羅睺歲後爲病符也夫月厭僅值一日非
 若方位之相比連斷無因忌一日而并忌前後兩日
 之理且六合天願皆宜嫁娶吉日又以爲無翹而忌
 之毋乃欺世而滋惑乎俗士又名飛翹更屬譌繆應
 刪

兵吉



總要歷曰兵吉者月內用兵之吉辰也其日宜出師
命將攻伐畧地○歷例曰兵吉者正月子丑寅卯二
月亥子丑寅三月戌亥子丑四月酉戌亥子五月申
酉戌亥六月未申酉戌七月午未申酉八月巳午未
申九月辰巳午未十月卯辰巳午十一月寅卯辰巳
十二月丑寅卯辰○曹震圭曰兵吉逐月漸退一辰
者是兵家無有妄進無有躁動之意故云兵者不祥
之器不得已而用之也又易卦師之六四曰師左次
无咎言左次則爲退舍也故見可而進知難而退師
也

之常也又太白陰經曰未見而戰雖衆必潰見利而
戰雖寡必勝是兵家不可以妄舉輕進此陰陽之戒
也
按兵吉者皆太陽後四辰也太陽前一位爲月厭太
陽隔之則太陽之後一二三四皆厭所不到之地兵
行之吉道也常處太陽之後隨太陽以行則物莫敢
犯者矣其終於四者并太陽而爲五則太陽爲我軍
之伍長也



總要歷曰五富者富盛之神也其日宜興舉運動估
 市經求○歷例曰正月起亥順行四孟○曹震圭曰
 五富者月中餘盛之神也蓋寅午戌月火王喜亥中
 甲木而生申子辰月水王愛巳中庚金而生亥卯未
 月木王求寅木相助巳酉丑月金王求申中庚金相
 益故曰餘盛此其義也

按五富者三合長生之六合也寅午戌火火長生於
 寅亥者寅之合也亥卯未木木長生於亥寅者亥之
 合也申子辰水水長生於申巳者申之合也巳酉丑


金金長生於巳申者巳之合也生我之神居得合地
 則其益我者必多故曰五富也或曰當逆行四孟其
 說謂三合父母之長生也寅午戌火以木爲父母木
 長生於亥卯未木以水爲父母水長生於申申子
 辰水以金爲父母金長生於巳巳酉丑金以土爲父
 母土長生於寅生我之神既得長生則吉慶莫有大
 焉者也故以五富名之言無不足也九五福二曰富
 富固五福之一五福而皆富有則洵乎其無不足也
 其說亦通故附存之

欽定協紀辨方書

卷六 義例四五富

美


天倉



總要歷曰天倉者天庫之神也其日可以修倉庫受
賞賜納財收養○歷例曰天倉者正月起寅逆行十
二辰○曹震圭曰倉者藏也月建私藏之神也蓋建
寅之月天地交泰陰陽各半而氣同故共藏於本建
至二月陰陽氣離則建事於前私藏於後故歷丑逆
行至七月陰陽否其氣又同陰陽各半亦同藏於申
也

按太陽在亥則天倉在寅太陽在戌則天倉在丑每
居太陽後四辰然則天倉者太陽之收日也建後四

辰爲收日神煞起例以收爲天倉方可互觀而自得
也收必有倉倉於何所必於其六合之地矣天倉在
寅則亥爲收日天倉在丑則子爲收日然則天倉者
又收之六合也若夫曹震圭建事於前收藏於後之
說亦太支且遁矣




欽定協紀辨方書

卷六


義例四要安

三

樞要歷曰要安者月中吉神也所值之日宜安撫邊境修葺城隍○歷例曰要安者正月寅二月申三月卯四月酉五月辰六月戌七月巳八月亥九月午十月子十一月未十二月丑也○曹震圭曰要安者要而用之可得安也蓋陽建之月歷寅卯辰巳午未陰建之月歷申酉戌亥子丑也如是則陽辰之月用陽氣通泰之辰陰辰之月用陰氣柔和之辰類易卦之六爻剛柔相應之象



樞要歷曰福生者月中福神也所值之日宜祈福求
 恩祀神致祭○歷例曰福生者正月酉二月卯三月
 戌四月辰五月亥六月巳七月子八月午九月丑十
 月未十一月寅十二月申○曹震圭曰福生者月內
 祈求福願之神也故與玉宇相對謂玉宇為月建之
 所安向之則所以邀福月建顧其所向亦所以造福
 也



欽定協紀辨方書


卷六

義例四十一

差

樞要歷曰聖心者月中福神也其日宜上表章行恩
 澤營百事○歷例曰聖心者正月亥二月巳三月子
 四月午五月丑六月未七月寅八月申九月卯十月
 酉十一月辰十二月戌○曹震圭曰勞而不敢安者
 聖人之心也蓋陽辰之月順理陽卦之位陰辰之月
 順理陰卦之位初寅之月起於乾宮亥者是順天之
 道也○考原曰正三五七九十一為陽建之月故從
 亥至辰配乾坎艮震四陽卦二四六八十二為陰
 建之月故從巳至戌配巽離坤兌四陰卦

益後



欽定協紀辨方書

卷六


義例四益後

美

樞要歷曰益後者月中福神也所值之日宜造宅舍
 築垣牆行嫁娶安產室○歷例曰正月子二月午三
 月丑四月未五月寅六月申七月卯八月酉九月辰
 十月戌十一月巳十二月亥○曹震圭曰益後者於
 子嗣有補益之神也子丑寅卯辰巳為陽氣之位以
 陽建之月配之午未申酉戌亥為陰氣之位以陰建
 之月配之陰陽會和既生男女當夫訓其男婦教其
 女使男從夫道女從婦道各從其道當有益於將來
 故云益後

續世

血忌



欽定協紀辨方書

卷六

義例四續世

三

樞要歷曰續世者月中善神也所值之日宜結婚姻
睦親族祀神祇求嗣續○歷例曰續世者正月丑二
月未三月寅四月申五月卯六月酉七月辰八月戌
九月巳十月亥十一月午十二月子是也○考原曰
按續世者月中繼續之神也常在益後後一辰蓋亦
與玉宇金堂之相連者同意○又按自要安至續世
凡九神其起例皆以六陰月與六陽月對衝如正月
寅則二月申正月卯則二月酉是也餘倣此

九神總論

右要安以下九神皆以對衝兩兩相比或陽月陽陰月陰或陽月陰陰月陽從寅月寅起至寅月丑止取其九位而去其寅月巳午戌三位不用或又以寅月從巳午戌起如例歷十二辰者爲龍虎爲罪至爲受死皆爲凶神而以此九位爲吉神雖有其例而莫名其物衆說紛然皆不明確夫神之有凶吉也皆本年月日神所喜所忌之陰陽五行以爲斷或以三合五合言或以六合六冲言或以納音納甲言或以卦位

欽定協紀辨方書

卷六

義例四九神總論

五

方位言或以旺相休囚言千變萬化要皆不離乎此而此以寅申卯酉兩兩相比以命十二辰則皆不可得而符合也史記漢武帝時有五行家堪輿家建除家叢辰家歷家天人家太一家聚訟不決各守其師傳而不相下彼時術家之多如此今則統歸於歷家其說之傳者皆斷爛蒙昧莫尋其端緒堪輿建除五行歷家猶可意揣而命之若叢辰等家之言則更莫可考也今此九神與堪輿建除五行歷家之旨俱不符合意者其叢辰等家之遺緒歟而傳之最久歷代

相沿不廢用於禱祠鬼神而亦爲建造等事之吉日
唯歷神原始則曰此九神專爲祈禳而設今觀其名
名之義且參之禮記柔日剛日之旨其說殆近是歟
存之以爲祭祀擇日之占而樞要歷所言上表章修
造諸事者並不復用若夫龍虎罪至受死三辰並仍
舊歷從刪夫旣以九神爲吉則餘三不用可知不必
重立名目也又按神煞起例以龍虎罪至爲天地爭
雄日由此觀之九辰爲禱祀鬼神而設益驗蓋巳午
者陰陽之交也故有天地爭雄之目而又南方正位

也故與幽則有鬼神之義相反其戌之爲受死者亥
爲陽氣剝盡之會而乾之純陽居之以首萬物此陰
陽之妙義六壬之以壬名而不曰六甲者此也亥旣
爲首則戌必居終故以戌爲受死也然此特以六陽
六陰十二辰從寅輪轉而命之云爾若自寅而卯以
至于丑逐月論之則義並不可通夫唯鬼神之道有
其始之卽要其終不若人事之顯著事各一理而不
可稍有差忒也故曰宜祭祀之吉辰庶幾近之○要
安言徼福於鬼神也金堂玉宇神所居也修祠立廟


之類用之內神以金堂而外神以玉宇也敬安安神位之日也普護福生聖心泛禱之日也益後續世祠高祿之日也

欽定協紀辨方書

卷六

義例四九神總論

陽德



罕


總要歷曰陽德者月中德神也所值之日宜交易開
 市結親姻○歷例曰正月起戌順行六陽辰○曹震
 圭曰陽德者乾陽之道也陽道不可以盡剝故正月
 起戌應乾之上九戌者乾之世爻又五月一陰生卽
 配於午順歷乾之六爻六陽月居於寅午戌火炎上
 爲尊爲夫也六陰月臨於申子辰水潤下爲卑爲婦
 也故所值之日長幼有序夫婦有別是嘉會合禮之
 辰故宜如此

欽定協紀辨方書

卷六 義例四陽德

望

陰德



總要歷曰陰德者月內陰德之神也所值之日宜施
陰隲行惠愛雪冤枉舉正直○歷例曰正月起酉逆
行六陰辰○曹震圭曰陰德者是月中坤陰之道也
正月起於酉應坤之上六酉者坤之世爻故從酉逆
歷坤之六爻坤者厚德載物也含弘光大萬物資生
故宜如此

按陽德乾六爻之納甲也陰德坤六爻之納甲也卯
酉者日月也各從卯酉起初爻以歷十二辰陽德卯
月乾初子陰德卯月坤初未陽德辰月乾二寅陰德

欽定協紀辨方書


卷六

義例四陰德

望

辰月坤二巳陽德巳月乾三辰陰德巳月坤三卯陽
德午月乾四午陰德午月坤四丑陽德未月乾五申
陰德未月坤五亥陽德申月乾上戌陰德申月坤上
酉而六爻各一終矣復自酉至寅以次順列焉從卯
至申生萬物者也從酉至寅成萬物者也帝出乎震
而復生焉生生不已也夫乾坤以生萬物成萬物爲
職而其用在日月今六陽六陰從卯酉順布天施地
生之象備矣陽曰陽德陰曰陰德言陰陽之德皆在
于生成萬物也其日必吉

天馬



欽定四庫全書

卷六


義例四天馬

星

神樞經曰天馬者天之驛騎也其日宜拜公卿擇賢
 良宣布政事遠行出征○李鼎祚曰天馬者正月起
 午順行六陽辰○曹震圭曰天馬者是乾體六陽用
 事之神也易曰乾為馬

按乾卦納子寅辰午申戌天馬則四十月在子四月
 乾卦十月建亥又乾宮也午為馬詩曰吉日庚午既
 差我馬說者謂午為馬祖之神寅申為道路午起寅
 順歷六陽辰則申又得午取象於馬之用也

兵禁



欽定 紀辨方書

卷六

義例四兵禁


四

總要歷曰兵禁者用兵凶辰也其日忌出師振旅閱
 武教戰○歷例曰兵禁者正月起寅逆行六陽辰○
 曹震圭曰兵家所利者陰道也所忌者陽道也故兵
 禁正月起寅逆行六陽辰也又月令曰孟春之月不
 可稱兵稱兵必天殃兵戎不起不可從我始故正月
 以寅為禁辰也二月子相刑四煞也三月戌耗破之
 辰也四月申四煞三刑也五月午自刑也六月辰天
 罡四煞也七月寅破耗三刑也八月子四煞死神也
 九月戌河魁也十月申六害也十一月午破耗也十

二月辰四煞天罡也其忌可知

按易曰地中有水師說者謂伏至險于大順之中王者之師所以有征無戰也兵禁則與卦義相反夫坎之六爻納甲寅辰午申戌子也今自坎之初爻翻轉至上倒行而逆施之是以前至險顯然橫行于天下矣若由乾坤以日月為用之義推之則卯月起坎上爻逆行而下豈非坎之所為上六失道凶三歲者乎從上而至初係用徽纆而入于坎窞豈非兵之大禁歟

地囊




欽定協紀辨方書

卷六

義例四兵禁

星



歷例曰地囊者正月庚子庚午二月癸未癸丑三月
 甲子甲寅四月己卯己丑五月戊辰戊午六月癸未
 癸巳七月丙寅丙申八月丁卯丁巳九月戊辰戊子
 十月庚戌庚子十一月辛未辛酉十二月乙酉乙未
 ○曹震圭曰月令云孟春之月天氣下降地氣上騰
 天地和草木萌動蓋草木者震也故易云動萬物者
 莫疾乎雷故正月震納甲為地囊也仲春之月雷乃
 發聲蟄蟲咸動啟戶始出當養生者德莫比坤故二
 月用坤之納甲為地囊也季春之月時雨將降下水

上騰養育萬物莫大於天故用乾之納甲也孟夏之月農乃登麥聚畜百藥靡草死蠶事畢能烜燥萬物者莫熯乎火故四月用離之納甲也仲夏之月陰陽爭死生分零祀山川百源設坎壇無用火南方故使萬物潤澤者莫潤乎坎故五月地囊用坎之納甲也季夏之月不可以興土功土潤溽暑大雨時行燒薙行水利以殺草如以熱湯可以糞田疇可以美土疆以配中央之位故用坤之納甲也孟秋之月農乃登穀萬物有成用始行戮故易曰萬物之所以成終而

所以成始也莫盛乎艮故用艮之納甲也仲秋之月務蓄菜勸種麥雷乃收聲蟄蟲坏戶陰浸盛陽日衰莫說乎澤故用兌之納甲也季秋之月蟄蟲咸俯在內皆墜其戶霜始降草木黃落農事備收五穀之實藏帝籍之神倉是萬物之所歸藏也莫勞乎坎故用坎之納甲也孟冬之月天氣上騰地氣下降閉塞而成冬水始冰地始凍雉入大水爲蜃虹藏不見反動於下也故用震之納甲也仲冬之月冰益堅地始坼芸苔生荔挺出蚯蚓結土事無作陰陽爭諸生蕩萬


物潔齊故用巽之納甲也季冬之月數已終歲更始
水澤腹堅修耒耜耩具田器出土牛以送寒氣其
德厚載而致役者莫大乎坤故用坤之納甲也

按地囊乃四時三合卦之納甲蓋三合無土局而土
旺於四季木火金水之所以生旺墓者無適非土故
用當時三合卦內外兩初爻之納甲爲地囊日其一
卦兩用者則再用世應二爻之納甲日春木亥卯未
局爲震坤乾卦正月用震內卦初爻庚子外卦初爻
庚午二月用坤內卦初爻乙未外卦初爻癸丑三月

用乾內卦初爻甲子外卦初爻壬午夏火寅午戌局
爲離乾艮卦四月用離內卦初爻己卯外卦初爻己
酉五月用乾世爻壬戌應爻甲辰六月用艮內卦初
爻丙辰外卦初爻丙戌秋金巳酉丑局爲兌艮巽卦
七月用兌內卦初爻丁巳外卦初爻丁亥八月用艮
世爻丙寅應爻丙申九月用巽內卦初爻辛丑外卦
初爻辛未冬水申子辰局爲坎巽坤卦十月用坎內
卦初爻戊寅外卦初爻戊申十一月用巽世爻辛卯
應爻辛酉十二月用坤世爻癸酉應爻乙卯今世傳

歷例二月乙未譌癸未三月壬午譌甲寅四月己酉
 譌己丑五月譌戊午戊辰六月譌癸未癸巳七八月
 互易丁亥譌丁卯九月譌戊辰戊子十月譌庚戌庚
 子十一月辛卯譌辛未十二月癸酉譌乙酉乙卯譌
 乙未曹震圭不辨其誤曲爲之解而愈不能通今推
 其義而改正之蓋舊本傳寫謬誤四十八字中誤二
 十三字亦天願之類也

土符



總要歷曰土符土神也其日忌破土穿井開渠築墻
○歷例曰土符者正月丑二月巳三月酉四月寅五
月午六月戌七月卯八月未九月亥十月辰十一月
申十二月子○曹震圭曰土符者乃土地握符信之
神使掌五土也假令春木旺土受其尅故托子金以
制之是春三月歷巳酉丑也夏火旺土休賴火爲母
以養之故夏三月歷寅午戌也秋金旺土相不畏木
制故秋三月歷亥卯未也冬水旺土亦剛堅賴水以
柔和之故冬三月歷申子辰也

按曹震圭以土符爲符信之義似也而以夏爲土休
秋爲土相則于五勝之義舛焉夫天之生物皆地生
之者也故十二辰無非土也萬物生于東旺于南收
于西藏于北而由北而東則土之所以終萬物始萬
物者也由南而西則土之所以盛美昌熾夫萬物者
也由西而北則土之所以伏藏保固夫萬物者也寅
巳申亥長生之位則以丑寅卯辰爲其長生之符子
卯午酉帝旺之位則以巳午未申爲其帝旺之符辰
未戌丑收藏之位則以酉戌亥子爲其收藏之符故


曰土符也其有所忌者亦猶月建之爲土府尊之故不敢犯也

欽定協紀辨方書

卷六


義例四土符

大煞



至

神樞經曰大煞者月中廉察也所值之日忌出軍征
討嫁娶納財豎柱上樑移徙置室○李鼎祚曰大煞
者正月在戌二月在巳三月在午四月在未五月在
寅六月在卯七月在辰八月在亥九月在子十月在
丑十一月在申十二月在酉○曹震圭曰東方之位
生育萬物南方之位成熟萬物西方之位殺伐萬物
北方之位收藏萬物大煞者月中廉察也子丑寅月
歷西方申酉戌者蓋謂陽氣將出萬物將生故巡察
西方無以妄殺也卯辰巳月歷南方巳午未者謂萬
物生長之時故巡察南方使有成熟也午未申月歷
東方寅卯辰者謂萬物成熟宜在養育也酉戌亥月
歷北方亥子丑者謂萬物收成使有斂藏也
按月之大煞卽歲之飛廉其義亦相同見第三卷



欽定協紀辨方書

卷六


義例四歸忌

廣聖歷曰歸忌者月內凶神也其日忌遠行歸家移徙娶婦○歷例曰孟月丑仲月寅季月子○曹震圭曰子者一陽丑乃二陽寅乃三陽蓋此三辰陽氣始盛主動於外不可反歸於內也○考原曰孟月忌丑仲月忌寅季月忌子者皆忌退後一辰所謂歸忌也如子為仲丑為季寅為孟故孟月忌退歸於季仲月忌退歸於孟季月忌退歸於仲也

後漢書郭鎮傳曰陳伯敬行必矩步坐必端膝還觸歸忌則止寄鄉亭注曰陰陽書歷法曰歸忌日四孟

在丑四仲在寅四季在子其日不可遠行歸家及徙也然則歸忌之說其來舊矣曹震圭與考原所云俱有理而其旨未暢蓋子一陽也丑二陽也寅三陽也陽主進陰主退今丑退於子寅退於丑卯退於寅是逆陽之道也故爲歸忌餘月倣此又按歸忌與飛廉同義子丑寅爲支辰之始子旺之始也丑墓之始也寅生之始也寅申巳亥四生之月歸忌在丑是忌生之退歸於墓也卯午酉子四旺之月歸忌在寅是忌旺之退歸於生也辰未戌丑四墓之月歸忌在子是忌墓之退歸於旺也故其日忌遠廻移徙廣聖歷謂并忌嫁娶者蓋以婦人謂嫁曰歸而忌之夫謂嫁曰歸明從夫之義云耳非遠行之歸也易漸卦彖辭曰女歸吉漸進也非退也詩曰女子有行行亦進也非退也漢書注及他通書亦無忌嫁娶之說應止忌般移遠廻不忌嫁娶

往亡



欽定協紀辨方書

卷六

義例四往亡

五


堪輿經曰往者去也亡者無也其日忌拜官上任遠
 行歸家出軍征討嫁娶尋醫○歷例曰往亡者正月
 在寅二月在巳三月在申四月在亥五月在卯六月
 在午七月在酉八月在子九月在辰十月在未十一
 月在戌十二月在丑○曹震圭曰往亡者往而不反
 之意也孟者初也仲者中也季者末也蓋歲之始中
 終之義也正二三四月乃歲之初皆以四孟辰為之
 乃五行初生之地是生氣之道往而亡也五六七八
 月乃歲之中皆以四仲辰為之蓋四仲者五行當旺

之辰是旺氣之道往而亡也九十一十二月乃歲之終皆以四季辰爲之謂四季者乃五行終墓之地是萬物皆歸往而亡也

按通書曰宋武帝以往亡起兵軍吏以爲不可帝曰我往則彼亡果克之由此言之可廢明矣今按陰陽之義無非慎微謹始以昭欽若之忱不必以一事之無驗而遽謂其可廢也亦思其理之當否而已往亡者寅午戌火月順行寅卯辰卯未亥木月順行巳午未辰申子水月順行申酉戌巳酉丑金月順行亥子

丑火性遂於木木性遂於火水性遂於金金性遂於水水生火而火焚木金生水而水沉金蓋無尅則生不生無制則化不化無貞則元不能以起也故曰往亡也微乎深哉

氣往亡



欽定協紀辨方書

卷六

義例四氣往亡

五

歷例曰氣往亡者立春後七日驚蟄後十四日清明
 後二十一日立夏後八日芒種後十六日小暑後二
 十四日立秋後九日白露後十八日寒露後二十七
 日立冬後十日大雪後二十日小寒後三十日皆自
 交節日數之○曹震圭曰氣往亡者以四立月往亡
 日三合化象之成數為之假令正月立春寅為往亡
 寅午戌合火局火之成數七也四月立夏卯為往亡
 亥卯未合木局木之成數八也七月立秋酉為往亡
 巳酉丑合金局金之成數九也十月立冬未為往亡

土無化象便以本行土爲之其成數十也各倍之爲
次月往亡日三之爲下月往亡日也獨水數不用者
蓋四立之月往亡無申子辰日也然一歲之內四季
之月以辰爲首辰月以申爲往亡申合水局水之成
數六也故三月中氣後六日九月中氣後十二日六
月土旺後十二日十二月土旺後十八日各得往亡
或節氣早晚間有差一日者然其理大槩如此

按氣往亡日曹震圭之說亦自巧合但專取孟辰則
四方與三合彼此互異且既取三合之氣又不以未

欽定協紀辨方書

卷六

義術四氣往亡

庚

爲木而以爲土未免自相牴牾今以四時五行之序
推之則固自然之數也蓋一二三四五五行之生數
也六七八九五行之成數也一六爲水水卽氣也
氣以終而復始往而不亡者也火木金土則有質矣
其氣乃有時而盡而二三四五爲生數至而伸者也
七八九十爲成數返而歸者也故七八九十爲往亡
日而以四時之序配之立春七立夏八立秋九立冬
十仲月爲四時第二月故二之爲仲月往亡日季月
爲四時第三月故三之爲季月往亡日


十甲年之癸而又臨於亥則癸為德盡亥為陽盡也
 乙年以庚為德庚至己而十乙年之己而又臨於巳
 則己為德盡巳為陰盡也餘可類推其以上朔名者
 朔有始義又有盡義尚書平在朔易正義曰朔盡也

欽定協紀辨方書

卷六

義例四上朔

反支



卒

後漢書王符傳曰公車以反支日不受章奏注曰反支日用月朔爲正戌亥朔一日反支申酉朔二日反支午未朔三日反支辰巳朔四日反支寅卯朔五日反支子丑朔六日反支見陰陽書也○歷例曰其日忌上表章

按反支之義惡其將盡也戌亥朔本日卽支將盡矣申酉朔則在二日午未朔則在三日胥同此例也推此而言則結婚姻納財等事亦必有應忌者而歷例止言忌上表章蓋古之陰陽書傳者蓋少而今歷例則轉據後漢書公車不受章奏而言忌上表章也

四離 四絕

玉門經曰離者陰陽分至前一辰也謂建卯之月陽氣出陰氣入建子之月陰氣降陽氣升建酉之月陰氣出陽氣入建午之月陽氣降陰氣升故先一日爲四離辰也○李鼎祚曰此日忌出行征伐○曹震圭曰四離者冬至前一日水離夏至前一日火離春分前一日陽體分而木亦離也秋分前一日陰體分而金亦離也故名曰四離

玉門經曰四絕者四立前一辰也○李鼎祚曰此日忌出軍遠行○曹震圭曰立春木旺水絕立夏火旺木絕立秋金旺土絕立冬水旺金絕故先一日爲絕也

月忌日

歷例曰月忌日止註祭祀宴會沐浴整容剃頭整手足甲求醫療病補垣掃舍宇修飾垣墻平治道塗破屋壞垣餘事不註○齊東野語曰俗以每月初五十四二十三日爲月忌凡事必避之其說不經後見衛道夫云聞前輩云此三日卽河圖之中宮五宮五數

耳五爲君象故民庶不可用此說頗有理○通書曰俗忌初五十四二十三以五黃值日配廉貞火生起中宮之土也其法每月初一日起一白水入中宮與貪狼木相配水木相生也初二日二黑土與巨門土相配比和也初三日三碧木能制祿存土也初四日四綠木與文曲水相生也初五日五黃土配廉貞火火加中宮之土火生土旺火晦土湮而已初十九又起一白貪狼至十四二十三又值五黃廉貞前輩云此俗忌之日有吉星可用○考原曰九宮之次自一白至九紫九星之次一貪狼二巨門三祿存四文曲五廉貞六武曲七破軍八左輔九右弼故其相配如此又以其日爲九五之數自初一至初五五數也自初五至十四自十四至二十三皆距九日世不敢用故忌也

按月忌之義中宮五黃之說皆爲得之而廉貞生土之說則不可信今宮殿衙署有穿堂坐向用正子午家居則不敢用又以太歲爲堆黃煞皆避尊也以卑犯尊則凶非以其爲廉貞也月忌之義亦猶夫是國

家亦不用是日者國有事必及臣民故亦不用也

欽定協紀辨方書

卷六

義例四月志

六



欽定協紀辨方書卷七

義例五

黃道黑道

天乙貴人

天官貴人

福星貴人

喜神

八祿

日建 日破 日合 日害 日刑

欽定協紀辨方書

卷七

義例五目錄

一

四大吉時 四煞沒時



貴登天門時

五不遇時

九醜

旬中空亡

截路空亡



神樞經曰青龍明堂金匱天德玉堂司命皆月內天黃道之神也所值之日皆宜興衆務不避太歲將軍月刑一切凶惡自然避之天刑朱雀白虎天牢元武勾陳者月中黑道也所理之方所值之日皆不可興土功營屋舍移徙遠行嫁娶出軍○李鼎祚曰青龍正月起子金匱正月起辰司命正月起戌皆順行六陽辰也明堂正月起丑天德正月起巳玉堂正月起未皆順行六陰辰也天刑者正月起寅白虎者正起午天牢者正月起申皆順行六陽辰也朱雀者正

月起卯元武者正月起酉勾陳者正月起亥皆順行
六陰辰也○曹震圭曰此天黃道也蓋天者萬物之
主黃者中央之色道者乃天皇居九重之內出入所
履之道也故名曰天黃道其神逐年月日各有所主
易傳云乾爲天爲君爲父是天皇之正位也主御羣
靈司萬物生死故曰司命亦能掌握萬物故又名曰
天符今皆作天府此乾卦之主也初行其道起於戌
是乾之世爻納甲也其對衝巽宮爲明堂是天皇治
事之宮也聖人南面而聽天下故以巽爲明堂又名

曰執儲是天皇所操執以除暴虐也故曰齊乎巽初
行其道起於丑是巽之初爻納甲也其明堂之左有
青龍宰相之象是震宮也震爲雷爲龍故曰青龍又
名曰雷公初行其道起於子是震之初爻納甲也其
明堂之前有朱雀是離宮也又曰飛流故離爲火朱
雀飛流之象初行其道起於卯是離卦初爻納甲也
其明堂之右有白虎將軍之象又曰天棒是天皇之
先驅也又曰天馬是天皇之所乘也初行其道起於
午是震卦外體之納甲也謂震爲大臣之象向外則

爲將軍也其天皇之右有玉堂是天皇寢安之宮天后之位是坤宮也又曰天玉是天皇寵愛之所初行其道起於未是坤之初爻納甲也天皇之左有金匱是寶藏之府庫艮之位也又曰天寶初行其道起於辰是艮卦初爻納甲也天皇右旁有天德兌也是天皇施仁布德喜樂之宮又曰天對是天皇納諫聽政論道經邦之所初行其道起於巳是兌之初爻納甲也天皇左旁有天刑坎也勞卦也是掌刑罰之所又曰蚩尤蚩尤者虐民之神初行其道起於寅坎之初

爻納甲也白虎天棒之後有天牢又曰天獄是囚禁之所也配之朱雀明堂之間蓋使刑禁明而無私也初行其道起於申是坎之外體納甲也故云勞乎坎也天皇天牢之間有元武又曰陰私是邪妄之臣故論正道必有讒言舉正直則邪妄亦進易卦爻辭半君子半小人則天下之道然也初行其道起於酉是離卦外體納甲也故離爲朱雀飛流皆小人之輩也中宮之位有勾陳是天皇嬪妃之位天帝之所居也初行其道起於亥是乾宮之陰辰兌宮之外體納甲

也蓋兌者說也是天皇喜悅之宮也故用配焉又曰
青龍卽雷公明堂卽執儲金匱卽天寶天德卽天對
玉堂卽天玉司命卽天府天刑卽蚩尤朱雀卽飛流
白虎卽天棒天牢卽天岳元武卽陰私土勃卽勾陳
○邵泰衢曰黃道明星十二神異其名爲二十四龍
雷一也而一吉一凶天獄凶也而字誤爲獄不知卽
建除滿平定執破危成收滿閉爲黑道除卽明堂黃道
成開爲黃道建破平收滿閉爲黑道除卽明堂黃道
破卽白虎黑道皆相合獨青龍之建而以爲黑道者

雷公之凶誤之也以天獄之黑道曰黃道者天岳之
吉誤之也不知此卽長生沐浴冠帶臨官帝旺衰病
死墓絕胎養也建危卽生死也在時曰建危在人曰
墓在物曰成所謂蓋棺而論定也建危以時候言生
死以蠢動言也黃道明堂則其神也人之初生時之
建立猶龍雷之出震也人之入墓時之已成如天獄
之囚牢也人物之胎有開之先也而曰司命命根之
由立也閉固則養之道而勾陳之土所以藏之也
總不出王相休囚之四者分之爲王官守建除滿長

生沐浴冠帶青龍明堂天刑雷公執儲蚩尤名雖異而其理固不異也干支之生死以長生沐浴言之四時十二月之建立以建除言之日時之吉凶以青龍雷公言之更以王相卜之未常非合一之旨也擇日之家不能類觀兼察泥執神煞之名以立異而并不察其誤各自異說欲自名家幾何不爲識者之所棄也建除等皆次第行黃道以六陽六陰行故人不悟也○考原曰黃黑二道者黃道六黑道六共十有二以配十有二辰一青龍二明堂三天刑四朱雀五金

匱六天德七白虎八玉堂九天牢十元武十一司命十二勾陳其法則寅申青龍起子卯酉起寅辰戌起辰巳亥起午子午起申丑未起戌順行十二辰月日起則建寅之月子日爲青龍丑日爲明堂日起時則子日申時起青龍酉時爲明堂依次順數

按神樞經載黃黑道十二神歷來通書用之顧此十二神之何以吉何以凶則未言其故通書又專用之以選時相沿日久終身由之而不知其道曹震圭作明原則以爲納甲而斥坎離爲小人荒唐不經己甚

邵泰衢作原始以爲與建除相配而不顧六陽六陰十二神各得一半萬不能與建除相合徒多遁詞此考原所以疑之而存而弗論也今按司命卽是子勾陳卽是丑青龍卽是寅明堂卽是卯天刑卽是辰朱雀卽是巳金匱卽是午天德卽是未白虎卽是申玉堂卽是酉天牢卽是戌元武卽是亥其法以天罡加於建上視各神所臨之辰神吉則吉神凶則凶天罡者厝對也招搖也六儀也隨所取義而異其名其實一也所以用天罡加建者天罡爲北斗臨制四方之

柄故以加建擇日則加月建擇時則加日建此神道之樞機也罡旣加於陽建則破必指於陰建矣此陰陽之妙用也罡指陽建則陽明用事破指陰建則陰慝伏藏於是視其日其時所履之神以定吉凶焉如寅月日罡爲辰加陽建破爲申指陰建申月日罡爲戌加陽建破爲寅指陰建則寅天刑卯朱雀辰金匱巳天德午白虎未玉堂申天牢酉元武戌司命亥勾陳子青龍丑明堂矣卯月日罡爲卯加陽建破爲酉指陰建酉月日罡爲酉加陽建破爲卯指陰建是爲

伏吟則卯明堂辰天刑巳朱雀午金匱未天德申白
虎酉玉堂戌天牢亥元武子司命丑勾陳寅青龍癸
午月日罡爲子加陽建破爲午指陰建子月日罡爲
午加陽建破爲子指陰建是爲反吟則午司命未勾
陳申青龍酉明堂戌天刑亥朱雀子金匱丑天德寅
白虎卯玉堂辰天牢巳元武矣餘月日倣此奇門所
謂月月常加戌時時建破軍亦卽此義蓋用建則月
月常加戌矣言昏時斗柄所指之方當以天罡加之
便得起例也又此司命以下十二神向以黃道黑道

命之今按黃道爲日行躔度無只以子午卯酉寅未
爲黃道之理若黑道之說蓋不見經傳卽黃赤二道
亦歷家識於儀象以紀天度後世相沿以爲名稱豈
天真有此黃赤異色耶然則此所爲黃黑道云者亦
卽吉凶之別名而非有深義決矣子曰司命子位正
當天極斗衡所枕爲斗之中央故曰司命也春秋文
耀鉤曰北宮黑帝其精元武亥爲天門故以爲北帝
之坐也亥爲北方之始寅爲東方之始巳爲南方之
始申爲西方之始四神之名各於其始重始也丑者

建星之位建星者旗也故爲勾陳猶鹵簿也東方蒼龍寅爲攝提格日月始子則斗始寅歲且更始焉故寅爲青龍春秋說題辭曰房心爲明堂天王布政之宮房心卯也房南衆星左角理右角將當辰之位理者法官故辰爲天刑也辰者天罡戌者河魁河魁者天獄戌獄而辰刑天之罡魁也南方朱鳥太微三光之廷春秋合誠圖曰太微主法式故以午爲金匱金匱石室以藏先王之訓典法式之所在也已爲鶉尾朱鳥形成故以巳爲朱雀也未者坤方萬物之成雖

於秋而其所以成者實在於庚伏之會中央土之正位也坤作成物其致役者未而非申至於申則役休矣故以未爲天德天德二者乾知大始而不爲首成之者皆坤也能使坤之克有成則天德也西宮白虎參爲白虎在申故以白虎名申酉者月也卯爲明堂故以酉爲玉堂帝主日而后主月玉堂猶言後宮也史記律志曰戌者言萬物盡滅也漢書志曰畢入於戌金者殺氣戌又金行之終故河魁爲天獄也合而觀之子午卯酉天之四正洗心退藏基命宥密必於

子則古昔法先王嚮明而出治復有以垂百世之法則必於午出乎震說乎兌如日月東西相從而不已以先天而不違後天而奉天時必於卯酉無成而有終終則有始觀天地之生物必於寅申服中色而處下飾順承天德觀天地之成物必於未餘辰莫有可與比盛者也故以六辰爲黃道餘則曰黑道也又按三合旺氣曰天德此黃道亦名天德以無別爲嫌查天德黃道又名天對明星又名寶光天對名不雅馴故取名寶光以別於天德云


欽定協紀辨方書

卷七

義例五黃道黑道

十一

天乙貴人



蠡海集曰天乙貴人當有陽貴陰貴之分蓋陽貴起於子而順陰貴起於申而逆此神實得陰陽配合之和故能爲吉慶可解凶厄也且如陽貴以甲加子甲與己合所以己用子爲貴人以乙加丑乙與庚合所以庚用丑爲貴人以丙加寅丙與辛合所以辛用寅爲貴人以丁加卯丁與壬合所以壬用卯爲貴人辰爲天罡貴人不臨以戌加己戌與癸合所以癸用己爲貴人午衝子原不數以己加未己與甲合所以甲用未爲貴人以庚加申庚與乙合所以乙用申爲貴

人以辛加酉辛與丙合所以丙用酉爲貴人戌爲河魁貴人不臨以壬加亥壬與丁合所以丁用亥爲貴人子原宮不數以癸加丑癸與戊合所以戊用丑爲貴人此乃陽貴順取也且如陰貴以甲加申甲與己合所以己用申爲貴人以乙加未乙與庚合所以庚用未爲貴人以丙加午丙與辛合所以辛用午爲貴人以丁加巳丁與壬合所以壬用巳爲貴人辰爲天罡貴人不臨以戌加卯戌與癸合所以癸用卯爲貴人寅衝申原不數以己加丑己與甲合所以甲用丑

爲貴人以庚加子庚與乙合所以乙用子爲貴人以辛加亥辛與丙合所以丙用亥爲貴人戌爲河魁貴人不臨以壬加酉壬與丁合所以丁用酉爲貴人申原宮不數以癸加未癸與戊合所以戊用未爲貴人此乃陰貴逆取也古云丑未爲天乙貴人出入之門緣陽貴以甲起子循丑順行至癸復歸於丑陰貴以甲起申由未逆行至癸復歸於未豈非丑未爲貴人出入之門乎○曹震圭曰天乙者乃紫微垣左樞傍之一星萬神之主掌也一日二者陰陽分治內外之

義也辰戌爲魁罡之位故貴人不臨戌以配中央之位乃勾陳后宮之象故與甲同其起例以丑乃紫微後門之左陽界之辰也未乃紫微南門之右陰界之辰也甲者十干之首故陽貴以甲加丑逆行甲得丑乙得子丙得亥丁得酉己得申庚得未辛得午壬得巳癸得卯此晝日之貴也陰貴以甲加未順行甲得未乙得申丙得酉丁得亥己得子庚得丑辛得寅壬得卯癸得巳此暮夜之貴也戊以助甲成功故亦得丑未若六辛之獨得寅午則自然所致更無疑矣○

通書云郭景純以十干貴人爲吉神之首至靜而能制羣動至尊而能鎮飛浮以其爲坤黃中通理乃貴人之德是以陽貴人出於先天之坤而順陰貴人出於後天之坤而逆天干之德未足爲貴而干德之合氣乃爲貴也

先天坤卦在正北陽貴起於先天之坤故從子起甲甲德在子氣合於己故己以子爲陽貴以次順行乙德在丑氣合於庚丙德在寅氣合於辛丁德在卯氣合於壬辰爲天羅貴人不居故戊跨在巳氣合於癸

欽定協紀辨方書

卷七

義例五天乙貴人

十四

午與先天坤位相對名曰天空貴人有獨無對故陽貴人不入於午己德在未氣合於甲庚德在申氣合於乙辛德在酉氣合於丙戌爲地網貴人不居故壬跨在亥氣合於丁子坤位貴人不再居故癸跨在丑氣合於戊是爲陽貴起例

申 庚合乙 酉 辛合丙 戌 地網 亥 壬合丁

未 己合甲 子 甲合己

午 天空 丑 乙合庚

巳 戊合癸 辰 天羅 卯 丁合壬 寅 丙合辛

後天坤卦在西南陰貴起於後天之坤故從申起甲
甲德在申氣合於己故己以申爲陰貴以次逆行乙
德在未氣合於庚丙德在午氣合於辛丁德在巳氣
合於壬辰爲天羅貴人不居故戊跨在卯氣合於癸
寅與後天坤位相對名曰天空貴人有獨無對故陰
貴人不入於申己德在丑氣合於甲庚德在子氣合
於乙辛德在亥氣合於丙戌爲地網貴人不居故壬
跨在酉氣合於丁申坤位貴人不再居故癸跨在未
氣合於戊是爲陰貴起例

欽定協紀辨方書 卷七 義例五 天乙貴人

五

申 甲合己

酉 壬合丁 地網

亥 辛合丙

未 乙合庚
癸合戊

子 庚合乙

午 丙合辛

丑 己合甲


巳 丁合壬 天羅

卯 戊合癸 天空
寅

考原曰曹氏與通書二說各有意義但曹氏則以陽
爲陰以陰爲陽夫陽順陰逆陽前陰後自然之理也
當以起未而順者爲陽起丑而逆者爲陰方是按貴
人云者于德合方之神也何以不用于德而用其合
于德體也合則其用也合于之德其所用必大吉矣

故以貴人名之合方之論考歷書所載審矣而曹震圭陰陽順逆倒置者則世俗並如其說考其根原則以元女經有旦大吉夕小吉之文故也然其理良不可通則亦未得以元女經有其文而可遽信也且大小二字易以淆譌安知非淺學之人轉以俗說改竄元女經遂傳刻襲謬耶至其晝夜之分則或以卯酉爲限或以日出入爲限今考其義自當以日出入爲定也


天官貴人



神煞起例曰隨干官星曰天官貴人

按酉中有辛甲之官也故甲日酉申中有庚乙之官也故乙日申子中有癸丙之官也故丙日子亥中有壬丁之官也故丁日亥卯中有乙戊之官也故戊日卯寅中有甲己之官也故己日寅午中有丁庚之官也故庚日午巳中有丙辛之官也故辛日巳丑中有己壬之官也故壬日丑未辰戌中有戊癸之官也故癸日辰戌不取五鼠遁者伏藏者為貴為官顯露者為尅為伐也

福星貴人



欽定協紀辨方書


卷七

義例五天官貴人

神煞起例日干生時干曰福星貴人

按淮南子甲日寅時必爲丙寅乙日丑時亥時必爲
丁丑丁亥丙日子時戌時必爲戊子戊戌丁日酉時
必爲己酉戊日申時必爲庚申己日未時必爲辛未
庚日午時必爲壬午辛日巳時必爲癸巳壬日辰時
必爲甲辰癸日卯時必爲乙卯皆本日日干之食神
子孫子孫爲寶爻故曰福星貴人也


喜神



甲己日艮方寅時乙庚日乾方戌時丙辛日坤方申時丁壬日離方午時戊癸日巽方辰時○曹震圭曰大抵物之所喜者母見子也假令甲己化土生金爲子金之所居者丑也丑近於艮丙辛化水生木爲子木之所居者未也未近於坤戊癸化火生土爲子土居於辰近於巽也乙庚化金生水爲子水居於辰辰既有土故居於乾乾爲亥子也丁壬化木生火爲子火旺於午離也○考原曰物以相見爲喜易傳曰相見乎離離者南方之卦也於五行爲火於十干爲丙喜神者見丙也假令甲己之干用五虎元起丙寅寅爲艮故在艮也乙庚之干得丙戌戌爲乾故在乾也丙辛之干得丙申申爲坤故在坤也丁壬之干得丙午午爲離故在離也戊癸之干得丙辰辰爲巽故在巽也

按喜神之義考原得之其日之方與其時並取利用然亦須與其他神煞叅論如甲己之日得丙寅時固爲喜神時矣而在申日則爲日破又不得以其爲喜神而用之也餘倣此

八祿



欽定協紀辨方書


卷七

義例五八祿

三


按神煞起例有八祿時本日之祿位也定為吉時詳
年神例

日建
日破
日合
日害
日刑



以本日地支為主而以時參之或為日之建或為日之破或為日之合或為日之害或為日之刑建合則吉而破刑害則凶也其與年月相參亦必有此五者遠大之事亦須參觀近小之事則勿論也

四大吉時 四煞沒時



欽定協紀辨方書

卷七

義例五四大吉時


三

歷例曰四大吉時月將在四孟用甲丙庚壬時月將在四仲用癸乙丁辛時月將在四季用艮巽坤乾時
 ○考原曰四煞者寅午戌火煞在丑亥卯未木煞在戌申子辰水煞在未巳酉丑金煞在辰凡取四煞沒時者以月將加時使四煞臨乾坤艮巽之位為四煞沒於四維正四七十四孟月用甲丙庚壬時二五八十一四仲月用艮巽坤乾時三六九十二四季月用癸乙丁辛時如正月月將在亥則以亥加甲或加丙或加庚或加壬依二十四方位順推之則辰戌丑未

四煞皆臨四維卦位是爲四煞沒時也以四煞旣沒故又曰四大吉時

按辰戌丑未謂之四煞者以其爲五行之氣所終盡也若臨長生之位則是生生不已循環無端故謂之四煞沒時卽壬課四墓覆生之說也其以八干四卦言者則選擇宗鏡謂時之上四刻其說得之蓋選擇取時之通例而非此四煞沒時獨與八干四卦相干涉也俗又以此爲神藏煞沒時則因煞沒二字而至譌謬蓋惟貴登天門則餘十一將皆居其所凶神受制吉神得位爲名之曰神藏煞沒若四煞沒時甫將十二支加於地盤尚未論及於神將安得有神藏煞沒之理選擇家不叅壬遁之過也

貴登天門時總圖





欽定協紀辨方書

卷七



義例五貴登天門時

甲日貴登天門時圖



三

丁日貴登天門時圖





欽定協紀辨方書

卷七


義例五貴登天門時

戊庚日貴登天門時圖


美



己日貴登天門時圖



辛日貴登天門時圖





欽定協紀辨方書



卷七

義例五貴登天門時

七



壬日貴登天門時圖





欽定協紀辨方書

卷七

義例五貴登天門時

癸日貴登天門時圖



天

通書曰經云年之善不如月之善月之善不如日之善日之善不如時之善貴人登天門乃時之最善者也其法以月將加用時晝用陽貴夜用陰貴以天乙貴人爲主而騰蛇朱雀六合勾陳青龍天空白虎太常元武太陰天后隨之故貴人臨乾亥登天門則騰蛇臨壬子而落水朱雀臨癸丑而鍛羽六合臨艮寅而乘軒勾陳臨甲卯而登陸青龍臨乙辰而游海天空臨巽巳而投甌白虎臨丙午而燒身太常臨丁未而登筵元武臨坤申而折足太陰臨庚酉而回宮天后臨辛戌而入帷六吉將得地而六凶將斂威故曰神藏煞沒又爲六神悉伏此擇時之妙用也○又曰貴人己丑土六合乙卯木青龍甲寅木太常己未土太陰辛酉金天后壬子水爲六吉將騰蛇丁巳火朱雀丙午火勾陳戊辰土天空戊戌土白虎庚申金元武癸亥水爲六凶將

按貴登天門爲選時第一義其月將加時貴人陰陽順逆皆六壬法也日家未知壬遁之法故誤以四煞沒時爲神藏煞沒而貴登天門之說錯禱於其間觀

者遂不可曉今爲取而序之則知神藏者安於其居之義郭璞所謂藏神合朔宗鏡所謂歸垣入局是也煞沒者隱而不現之義通書所謂六凶斂威六神悉伏是也乾亥爲天門貴人居之六合木而臨艮寅青龍木而臨乙辰太常土而臨丁未太陰金而臨庚酉天后水而臨辛戌皆各得其位當旺受生故曰神藏騰蛇朱雀火而臨壬子癸丑勾陳天空土而臨甲卯巽巳白虎金而臨丙午元武水而臨坤申皆不得其位受制潛伏故曰煞沒然皆由貴登天門而得之故貴登天門卽神藏煞沒而非有二義也一日只有一時然貴分陰陽又卯酉辰戌時兼占晝夜故一日有兩時者其或晝不得陽夜不得陰則又有一日不得一時者今旣按日起例於前而又於總括七百二十課貴登天門時爲表於左

欽定協紀辨方書

卷七

義例五貴登天門時

三

穀雨酉將	旦	酉	甲	乙	丙	丁	戊	己	庚	辛	壬	癸
春分戌將	旦	戌	卯	辰	巳	午	未	申	酉	戌	亥	子
穀雨酉將	旦	酉	卯	辰	巳	午	未	申	酉	戌	亥	子
	旦	酉	卯	辰	巳	午	未	申	酉	戌	亥	子
	旦	酉	卯	辰	巳	午	未	申	酉	戌	亥	子
	旦	酉	卯	辰	巳	午	未	申	酉	戌	亥	子

小滿申將

夕旦

戌申午未午巳辰寅
戌子亥子丑寅

夏至未將

夕旦

戌酉未巳午巳辰卯
亥戌亥子丑

大暑午將

夕旦

酉申午辰巳辰卯寅
戌亥子寅

處暑巳將

夕旦

酉申未巳卯辰卯
酉戌亥丑

秋分辰將

夕旦

申未午辰卯
酉戌子

霜降卯將

夕旦

未午巳卯
酉戌子

小雪寅將

夕旦

午巳辰寅
酉戌子

冬至丑將

夕旦

子丑卯
酉戌子

大寒子將

夕旦

亥子丑卯
酉戌子

欽定協紀辨方書

卷七


義例五貴登天門時

三

如雨水後甲日卯時以月將亥加甲卯則陽貴未加
 乾亥是陽貴登天門也又如雨水後甲日酉時以月
 將亥加庚酉則陰貴丑加乾亥是陰貴登天門也其
 法以日干爲主以貴人加乾亥上視某月將加某時
 卽某時貴登天門如甲日陽貴在未加乾亥上看旦
 時雨水亥將加甲卯卽雨水後甲日卯時陽貴登天
 門大寒子將加乙辰卽大寒後甲日辰時陽貴登天
 門又如甲日陰貴在丑加乾亥上看夕時雨水亥將
 加庚酉卽雨水後甲日酉時陰貴登天門大寒子將

加辛戌卽大寒後甲日戌時陰貴登天門餘倣此例
至宗鏡以壬時爲子時上四刻則與雙山法合而取
義尤切如乾爲天貴登天門取乾非取亥也朱雀鍛
羽取癸非取丑也天空投匭取巽非取巳也元武折
足取坤非取申也天后入帷取辛非取戌也然雙山
以干維與支同宮故六壬用支亦謂神藏煞沒則知
二十四時之法由來舊矣後世失其義謂乾時爲戌
正二刻至亥初二刻亥時爲亥初二刻至亥正二刻
壬時爲亥正二刻至子初二刻子時爲子初二刻至
子正二刻以十二支占十二時之中四刻而以前後
各二刻分隸前後干維似亦有理然乾巽爲天門地
戶陰陽之界貴人順逆所由分若以乾爲戌正二刻
則乾淪於陰貴罹於網而騰蛇以下諸神皆當逆轉
又烏覩所謂貴登天門神藏煞沒者乎

五不遇時



欽定協紀辨方書


卷七

義例五五不遇時

三





神煞起例五不遇時于尅日干也

按五不遇時以五鼠遁得本時所臨之干尅本日之干則爲凶時而遁甲隱公歌注則又以本時尅本日之支亦爲五不遇今考其義不若神煞起例之善亦列圖而辨之如左







遁甲隱公歌時尅于今五不遇此時名爲辱損明舉
 事遙遙終不定朝行暮敗損精兵注曰時于尅日于
 時支尅日支名爲損明凡事不用如甲乙日庚辛時
 亥子日辰戌時寅卯日申酉時之類並是



按天干五行氣純地支五行氣雜如寅中有火則遇
 土日有相生之理五行之性逢生即生而見尅不尅
 此天地之性也故于尅于斯純而不雜然尚須論其
 所臨之支是否與日干日支相生如其相生則又不
 爲五不遇也焉得以土日寅卯時即爲五不遇耶



欽定協紀辨方書
卷七 義例五九醜

壹





金匱經曰乙者雷電始發之日戊己者北辰下位之日辛者萬物決斷之日壬者三光不照之日子午卯酉四仲之辰日月之門陰陽之界五干臨此四辰其日不可出軍嫁娶移徙築室○曹震圭曰卯酉為日月出入之門子午為陰陽交爭之界乙為六合辛為太陰壬為元武己為六賊戊為勾陳故此五干加此四辰名曰醜又以五干四辰其共數九故以名之○指掌賦曰乙戊己辛壬同四仲名曰九醜天地歸殃注凡戊子戊午壬子壬午乙卯己卯辛卯乙酉己酉

辛酉日而大吉又臨日辰子午卯酉上者爲真九醜
卦也蓋乙是雷電始動之日震而不安戊己是諸神
下位之日又戊己爲坤諸神清虛之氣合德于乾轉
入坤維曰下位是也壬是三光不照之位壬祿在亥
六陰俱足日月之光至此損照辛是西方殺物之位
如何又居在四仲極陰位上大吉是十二宮神之主
爲貴人之本家所以爲星紀言諸星朝會於斗也今
又臨四仲極陰之位是爲九醜九陽數九醜言陽之
醜也


按辰戌爲天羅地網子午卯酉爲四敗丑爲星紀惟
此十日支旣爲四敗而星紀又落於支上則干又必
遭羅網矣否則其干本屬羅網且羅網又必臨四敗
是以謂之天地歸殃若丑不臨支則皆不然自不得
爲九醜也乙戊己辛壬合子午卯酉爲九故曰九醜
曹震圭之說得之必大吉臨日辰乃爲九醜指掌賦
注得之若其九醜之義則皆支離牽強無足取也十
二月將每日各得一時合計七百二十日內有一百
二十時爲九醜餘並非是如圖內一層爲月將外一

層爲所得之時假如內一層爲子則是大寒立春也
 戊子日則丑時爲九醜戊午日則未時爲九醜餘倣
 此

欽定協紀辨方書 卷七 義例五九醜

旬中空亡

堯



歷例曰旬中空亡者甲子旬戌亥時甲戌旬申酉時甲申旬午未時甲午旬辰巳時甲辰旬寅卯時甲寅旬子丑時○考原曰十日爲旬以十干配十二支自甲至癸而止餘二辰天干不及故爲空亡如甲子至癸酉不及戌亥故甲子旬以戌亥爲空餘倣此

按劉歆七畧有風后孤虛二十卷今其書亡矣古人以旬空爲虛其對爲孤如甲子旬中無戌亥則戌亥爲虛辰巳卽爲孤也兵法曰背孤擊虛一女可敵十夫又按旬中空亡云者就一旬之內十干不及之二

欽定協紀辨方書

卷七

義例五旬中空亡

四

支而言也空亡固不利矣然猶有火空則發金空則鳴之義隨五行之性與所遇之事以爲斷未可盡以爲凶况又從空亡而論日祿如甲辰旬內寅卯之類謂之祿陷空亡而又以甲辰乙巳本日之寅卯二時謂之十惡大敗無祿時益屬無謂夫甲辰日寅時乙巳日卯時卽已得本日之祿矣而以其爲旬空也而謂之無祿豈非騎驢覓驢之誚耶若甲辰本旬內寅卯時而本日爲丙丁則尤爲他人之無祿何與於己而亦謂爲祿陷空亡而忌之豈不謬哉

截路空亡



欽定協紀辨方書

卷七

義例五截路空亡

望

歷例曰截路空亡者甲己日申酉時乙庚日午未時
 丙辛日辰巳時丁壬日寅卯時戊癸日子丑戌亥時
 ○考原曰截路空亡遇壬癸也行路而遇水則不可
 行也如甲己日以五鼠遁起甲子順歷之得壬申癸
 酉故甲己日以申酉為截路空亡也餘倣此

按截路空亡之義謂十干至此而極其下二支卽是
 旬空便如下臨無地故曰截路空亡也其說載於神
 煞起例以五鼠遁取日干遁支得甲乙則無吉無凶
 得丙丁則為喜神得戊己則為五鬼得庚辛則為金

神得壬癸則爲截路空亡通書惟取截路空亡一種
今推其義蓋由奇門最重丙丁故忌壬癸尅之也若
以行路遇水爲截則方之舟之可矣何截之有

欽定協紀辨方書

卷七

義例五截路空亡

望

